



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ  
ԱՐՄԱՎԻՐ ՀԱՄԱՅՆՔԻ ԴԵԿԱՎԱՐ**

23 ապրիլի 2026թ.

**ԾԱՆՈՒՑՈՒՄ**

**Պայմանագիրն մասնակի միակողմանի լուծելու մասին**

**ՌՈՒՋ-ՄԱՐՏԻ ՍՊԸ-ի փնտրեն  
Ռուզաննա Մարտիրոսյանին**

Հարգելի տիկին Մարտիրոսյան,

ՀՀ Արմավիրի մարզի Արմավիրի համայնքապետարանի (այսուհետ՝ Գնորդ) և ՌՈՒՋ-ՄԱՐՏԻ ՍՊԸ-ի (այսուհետ՝ Վաճառող) միջև 2026թ.-ի հունվարի 19-ին և մարտի 30-ին կնքվել է համաձայնագիր, որով ուժի մեջ է մտել **ԱՔ-ԿԵՆՏՐՈՆԱՑՎԱԾ-ԷԱՃԱՊՁԲ-26/1-2** ծածկագրով գնման պայմանագիրը (այսուհետ՝ Պայմանագիր): Պայմանագրի շրջանակներում Վաճառողը ստանձնել է պարտավորություն մատակարարել Պայմանագրի թիվ 1 հավելվածով սահմանված ապրանքները: 20.04.2026թ. Ձեր կողմից ներկայացված գրության համաձայն հրաժարվել եք Պայմանագրի 9-րդ չափաբաժնի (Կարտոֆիլ) հետագա մատակարարումից:

Հաշվի առնելով վերոգրյալը՝ Պայմանագիր կնքած անձի կողմից ստանձնած պարտավորությունները չկատարելու հիմքով ՀՀ Արմավիրի մարզի Արմավիրի համայնքապետարանը հարկադրված է 2026թ.-ի ապրիլի 27-ից Պայմանագիրը նշված չափաբաժնի չմատակարարված մասով մասնակի միակողմանի լուծել: Պատշաճ ծանուցումն ապահովելու նպատակով կիրառել ՀՀ կառավարության 04.05.2017թ. թիվ 526-Ն որոշմամբ հաստատված գնումների գործընթացի կազմակերպման մասին կարգի 33-րդ կետի 17-րդ ենթակետով սահմանված դրույթները:

Միաժամանակ հայտնում ենք, որ Վաճառողին տրվում է 10 աշխատանքային օր՝ որակավորման և պայմանագրի ապահովումները՝ համապատասխանաբար **554841,5 (հինգ հարյուր հիսունչորս հազար ութ հարյուր քառասունմեկ ամբողջ հինգ տասնորդական) ՀՀ դրամի և 432557,3 (չորս հարյուր երեսուներկու հազար հինգ հարյուր հիսունյոթ ամբողջ երեք տասնորդական) ՀՀ դրամի** չափով, վճարելու համար: Փոխանցումը անհրաժեշտ է կատարել Գնորդի բանկային հաշվին (**ՀՀ Ֆինանսների նախարարություն 900335201183**):

Սահմանված ժամկետում փոխանցումը չկատարելու դեպքում պարտավորվում ենք որոշում կայացնել «Գնումների մասին» ՀՀ օրենքի 6-րդ հոդվածի 1-ին մասի 6/ա-րդ կետի համաձայն ՌՈՒՋ-ՄԱՐՏԻ ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով:

ՀԱՄԱՅՆՔԻ ԴԵԿԱՎԱՐ

Վ. ՍԱՐԳՍՅԱՆ

